



13 FEB, 2022

Nilai keperluan BDR penjawat awam

Metro Ahad, Malaysia



Page 1 of 2

Nilai keperluan BDR penjawat awam

Kuala Terengganu: Kerajaan akan menilai keperluan untuk penjawat awam di negara ini bekerja dari rumah (BDR) susulan kenaikan mendadak kes jangkitan Covid-19 akibat varian Omicron ketika ini.

Ketua Setiausaha Negara Tan Sri Mohd Zuki Ali berkata, pihaknya sedang memperhalusi keperluan itu dan berbincang secara lanjut di peringkat jemaah menteri sebelum boleh dilaksanakan terhadap 1.4 juta penjawat awam di seluruh negara.

“Saya tak boleh kata apa lagi tentang ini (BDR), tetapi kita akan teliti sebab

perkara ini kena dibincang di peringkat jemaah menteri dan kita akan patuh.

“Cuma kita minta berhati-hati dan perkara paling mustahak untuk kita (penjawat awam) ialah patuh pada prosedur operasi standard (SOP) Covid-19 dengan mengikut arahan pihak berwajib,” katanya.

Beliau berkata demikian ketika Majlis Jalinan Kasih Keluarga Malaysia (Tanggungjawab Sosial Korporat) Jabatan Kastam Diraja Malaysia (JKDM) Terengganu Bersama Ketua Setiausaha Negara dan Ketua Pengarah Kastam

di Sekolah Kebangsaan Bukit Bayas di sini, semalam.

Pada majlis itu, seramai 88 asnaf menerima bantuan dalam bentuk bakul makanan, wang tunai dan kerusi roda yang disumbangkan oleh JKDM dan Pejabat Setiausaha Kerajaan Negeri Terengganu.

Sebelum ini, Menteri Kesihatan, Khairy Jamaluddin Abu Bakar mengumumkan negara kini sudah sepenuhnya berdepan dengan gelombang varian Omicron serta kes harian Covid-19 yang dijangka terus meningkat.



13 FEB, 2022

Nilai keperluan BDR penjawat awam

Metro Ahad, Malaysia



Page 2 of 2

SUMMARIES

Kuala Terengganu: Kerajaan akan menilai keperluan untuk penjawat awam di negara ini bekerja dari rumah (BDR) susulan kenaikan mendadak kes jangkitan Covid-19 akibat varian Omicron ketika ini. Ketua Setiausaha Negara Tan Sri Mohd Zuki Ali berkata, pihaknya sedang memperhalusi keperluan itu dan berbincang secara lanjut di peringkat jemaah menteri sebelum boleh dilaksanakan terhadap 1.4 juta penjawat awam di seluruh negara.